

欽定廓爾喀紀畧

卷三十六

欽定廣輿略記

卷八

欽定廓爾喀紀畧卷三十六

七月十六日

癸丑

鄂輝奏言查噶喀長桑等處先

因各官兵均從此路行走運送軍裝子藥較多
且牛隻多染瘟疫以致糧石停滯經福康安委
令知府隆興並派營員隨處催查設法籌辦業
已通行無阻臣親往查看此路原定糧站十九
處設立糧臺四處每臺用牛發運只能按站而

行往返各須七八日不等糧石軍需各項到站
往往守候茲臣酌定章程各站每日約以發運
二百馱爲率往還七八日馱牛必須一千六百
餘頭方足以敷轉運現在各站牛隻間有倒斃
未能補足查在站辦事營官第巴有能立時趕
辦足數者當卽優加獎賞或有稍涉推諉者卽
不令其承辦另差妥人雇覓番民運送將推諉

之頭人插箭柳號以示懲儆刻下運送軍需實已毫無停積其宗喀以往經福康安專差員弁極力迎催已經陸續運過糈粃二千餘石食牛五百餘頭羊一萬餘隻火藥鉛彈火繩弓箭礮位餉銀等項催到卽行發運均可接濟應用查宗喀一路有長桑定日兩路運到軍需更非別站可比自宗喀至濟隴道路雖覺峙嶇牛驢尙

可勉強行走而濟隴以外有牛馬不能行走之處將軍叅贊亦俱徒步攀援則軍火糧餉全賴人夫背運昨據惠齡札會已於移里召達木地方分段安設背夫現在大兵已進至協布嚕地方愈行愈遠尤須逐段遞撥面飭候補道承勲將宗喀至濟隴現有之夫儘可撥赴濟隴應用

臣
前在後藏拉子催來之番夫五百餘名不過

兩三日內齊到宗喀卽可就近撥給濟隴以內
作爲站夫臣仍一面嚴催前後藏未到之夫勒
限儻行據報前月二十五六等日自江孜後藏

押派起身者又有一千餘名望後亦可趕到道

員林儒先在後藏雇募商民所辦長運糈粃二

萬五千石已陸續發運七千餘石臣沿途查催

業經運到宗喀五百餘石番民貪得腳價亦有

情願運赴濟隴者更可冀其迅速至聶拉木一
帶每月自定日撥運兵糧二千石已足敷用惟
聶拉木以外近接成德岱森保等咨會現已進
至扎木地方距聶拉木有三百餘里道路更加
險窄牛馬斷不能行卽羊隻最易登山而近日
解去之七百餘隻滾崖者一百有餘是運送軍
火兵糧又斷非番夫不可臣卽飛催後藏一帶

續派番夫速往接濟臣原擬自宗喀以至濟隴

與惠齡面商一切再回至聶拉木一路查辦但

自宗喀至聶拉木已有一千餘里若俟濟隴轉

回更覺鞭長莫及近日宗喀一路臺站輓運實

已疏通道員林儔現由宗喀直赴大營沿途催

僱卽令候補道承勲在濟隴宗喀一帶往來稽

查且有福康安差委遊擊都司等員分段守催

惠齡又在濟隴以外逐節嚴催是此路處處有
人辦理均可接濟無悞

臣

於拜摺後卽由上蟒

卡木一帶迎催定日一路之糧由定日馳往聶
拉木督辦糧運軍火接濟成德等後路並催集
人夫採辦馱羊分段安設相度地勢修理山路
偏橋以利軍行而速輓運

同日孫士毅奏言

臣

于六月十九日抵邊壩見

該站並無牛馬停積餉銀火藥尙多詢之站員
馬承烈據稱此地蠻戶本少必須營官從數十
里百里之外雇備烏拉方能濟用站員只可向
營官催雇若親向蠻民逼令當差必致四處逃
散等語所稟雖係實情但思大兵乘勝采入不
獨軍營需用緊急卽駐藏大臣趕備糧石運送
軍營在在需銀接濟豈容如此稽延臣一面派

金定厚 卷三十六 五
弁找尋藏內所遣濟仲前來催辦一面派令隨

臣赴藏之知州湯健業馳赴前途將前數站設

法運清庶邊壩停積之項接續前進臣卽駐劄

邊壩先將知府符兆熊趕到內地人夫立即背

負餉銀一半趕緊前進其餘督同站員竭力另

籌趲運適隨臣赴藏之中書周藹聯攜帶直隸

監生米喬齡前來見臣據周藹聯稱米喬齡在

川遊幕有年本年春間經碩板多站員同知明
啟延請幫辦今因明同知交卸站務空閑在此
詢以一路情形頗稱熟悉臣與之商及饋運事

宜據稱驅使口外番民恩威原不可廢但莫若
示之以信則令出必行恩威俱可不事現聞邊
壩營官因需用烏拉較多此間站員接手承辦
甫經數日彼此不甚相信是以在五十里外山

內避匿請給馬一匹前去明日挈同營官來轅
號召烏拉數日內便可起運一清但求營官到
時不必究其逃匿之罪

臣

卽給馬前去次日米

喬齡果將營官喚到併先帶有烏拉百十個將
所剩大半餉銀卽刻發運隨後烏拉亦陸續到
齊二十一二等日將一切軍火鉛子等項掃數
起運全完

臣

卽令米喬齡幫辦邊壩事務并諭

以如遇前後數站偶有停積一體全去催趲該
監生一一承允此後各該站自可不致再有停積
之虞臣思米喬齡辦理站務較現任更爲得力
又能節省賞項現在試有成效似應給以空銜
使之益加奮勉呼應更靈合無仰懇

聖恩給以九品職銜如能始終出力一切軍儲過站
毫無貽悞俟軍務告竣給咨送部引

見或將該員發川補用俾川省得一熟悉口外之佐

貳於公事大有裨益臣正在起程間藏內遣來

催辦之濟仲同臣弁員繳令前來據稱已同候

補知府李憲宜將烏拉一一備齊不日即可運

竣臣卽優加賞賚該濟仲甚爲感悅

孫士毅又奏言查口外裏塘巴塘向係夾壩出
沒之區內三瞻對四瓦述等處附近裏塘其三

暗一處在巴塘之西該處地土瘠薄出產甚少
均以夾壩爲生計且彼此仇殺事所常有
臣上年到打箭爐曾兩次奏請撥兵防範均荷

允行

臣

在打箭爐時該數處夾壩頗知斂戢今

臣

從

察木多起程行抵邊壩連接駐劄阿足督催軍
儲之知府沈漣及在裏塘催辦運務之知府蔡
必昌稟稱近日夾壩漸漸鴟張不但一二孤客